

– Darul Ehsan Singapura Selamat Dibuka –

Anak-anak yatim kita sudah semestinya dibela dan dipelihara dengan baik serta diberi pelajaran supaya mereka tidak menempuh masa yang gelap kelak dan supaya mereka menjadi anak-anak masyarakat yang berguna. Demikian kata Paduka Yang Mulia Yang Dipertuan Negara Singapura, Encik Yusof bin Ishak, ketika merasmikan pembukaan bangunan ((Darul Ehsan)) – Rumah Anak-anak Yatim Islam Singapura.

Upacara itu telah selamat berlangsung pada hari Selasa, 21 Rabī' al-Awwal 1382 (21 Ogos 1962) yang lalu.

Usaha yang baik ini telah dijalankan dengan bersungguh-sungguh sehingga berjaya oleh ((Persatuan Derma Amanah Muslimin)) (*Muslimin Trust Fund*), sebuah persatuan khairat Islam yang sangat-sangat besar jasanya dalam masyarakat Singapura semenjak 58 tahun yang lalu.



Suatu pemandangan dalam majlis perasmian

((Darul Ihsan)) Singapura.



Paduka Yang Mulia Yang Dipertuan Negara sedang hendak berjabat tangan dengan seorang anak yatim, dengan diiringi oleh Tuan Namazie.

* * *

Dalam buku ((cenderamata)) yang diterbitkan oleh badan pengelola Darul Ehsan bersempena dengan hari pembukaannya, terdapat kata-kata perutusan, memberi tahniah atas kejayaannya.

Sambutan Perdana Menteri Singapura

Dalam kata perutusannya, Perdana Menteri Singapura, Tuan Lee Kuan Yew, berkata antara lain-lain: Kerjasama yang melahirkan kejayaan ini, adalah membuktikan kesedaran anggota-anggota masyarakat kita. Pihak kerajaan adalah sentiasa bersedia dan akan memberikan sokongan serta bimbingan ke arah ini demi untuk kepentingan kita bersama.

Anak-anak Yatim Wajib Mendapat Pembelaan

Sementara itu, dalam kata-kata perutusannya, Tuan

Haji Ya'acob Mohamed, Setiausaha Parlimen kepada Perdana

Menteri Singapura pula berkata:

((Rintihan jiwa yang menyayat sukma anak-anak yang

kehilangan tempat bermanja, tali pergantungan dan payung

perlindungan itu, amat mengharukan sekali. Yang mana

sudah sewajibnyalah mendapat pembelaan yang semestinya)).

Simbol Semangat Baru

Almarhum Encik Ahmad Ibrahim, Menteri Buruh

memberikan kata-kata perutusannya. Antara lain beliau

berkata:

((Rumah Anak-anak Yatim di Mattar Road ini bukanlah

seperti bangunan-bangunan yang lain. Ia juga merupakan

satu simbol semangat baharu yang timbul di kalangan

orang-orang Islam pada masa ini, yang mana saya memberikan

setinggi-tinggi penghormatan bersama-sama sekalian yang taat

setia dan sekalian pembela negara kita)).

Gedung Yang Memancar Sinar Cinta

Konsul Jeneral Republik Indonesia di Singapura,

S



Paduka Yang Mulia Yang Dipertuan Negara Singapura, Encik Yusof bin Ishak, sedang berucap, Duduk dari kiri,

Tuan Haji Haji Ya'acob Mohamed, Tuan Lee Kong Chian (sedang berpaling), dan yang keempat ialah Tuan Haji Muhammad

Javad Namazie, Naib Yang Dipertua ((Persatuan Derma Amanah Muslimin)).